

太平縣志

卷

十九

太平縣志卷之九

藝文

人文蔚起藝 英多臨風舒興對酒 歌吉光珍重片羽  
攀望古遙集懷溯如何志藝文

表

宋

謝戶部尚書表

孫 覲

備數選曹分掌三銓之法掄才計省叅榮八座之聯竊以舉天下  
版圖之繁治邦內經常之費任土納四方之貢持衡居百貨之平  
輕重相權上下與足承平歲久奢汰日滋好大喜功悅新厭故遂  
底魴魚頰尾之害馴致牂羊羶首之妖萬乘蒙塵不備純駟羣氓  
擠壑不糝羹藜當屬能臣共圖國計顧夷傷之未起念均節之宜

太平縣志

卷九 藝文

一

光六軍之名籍第挂空文三省之司存猶仍舊貫吏部毀法漆差  
之冗公車上書特補之思學校儒官尚崇文具圖書冊府當俟太  
平畫餅空餐畫墁浮食在宣和固已如此至建炎益又甚焉自非  
蠲令改制一清流弊之原何以富國裕民復見中興之盛顧如臣  
者自視缺然智力以窮憂責彌重若為報稱不負使令固嘗欲奮  
體上副君父 之意恐不勝側目必致小人妄作之凶茲蓋伏遇  
皇帝陛下親臨諸將征伐之師盡得斯民利病之實除苛解 黜  
聚斂之臣揀弊扶傷塞僥倖之路閔茲邦用深軫聖情夫何 麼  
之姿亦預揀 之數苟操刀而立斷初無畏首畏尾之虞則解  
縻而更張庶有足食足兵之望

率新進士謝恩表

焦煥炎

適駿圖功方臨軒而親策伏螭奏對遽錫命以疏榮退揆朽庸深

竊臣 法有不傳之妙科目求可用之才天授一編漢  
張良而創業武舉異等唐得子儀而中與況聿親宥命之基思  
蓋廣維之烈正須英傑協贊訂謨伏念臣等結髮讀書困心橫  
慮螢窗雪案恥為章句之彫鑿豹畧龍韜粗究奇正之 闢學思  
待問時適急賢偶角勝於名場誤蒙恩於震陛僥倖倂甚稱塞何  
陛下正位居中宅心灼俊常德立事已成克紹之  
規模深 神機猶藉庠允之勵翼旒纒采十朋之益草萊殫一得之  
愚遇 俯垂天獎臣等敢不砥勵名節趨赴事功程能課才懋  
稱簡求之意畢謀効智仰裨耆定之勳

疏

明

懇鑒變

加修省疏

周怡

太平縣志

卷九 藝文

二

惟穹然上覆者天也隕然下載者地也巍然首出縱天地而立極者帝  
也天地奠位者常也如日月星辰風雷雲霧海嶽泉石人物之類一  
夫其常則皆謂之變也人君之位曰天位祿曰天祿事曰天工語  
曰天言禮曰天秩典曰天叙命德曰天命討罪曰天討以昭人君即天  
也不言地者統天之尊也天地之常人君之常也天地之變人君即引  
以自咎通行警戒大小臣工各勵修省期以復於常也近照欽天  
監奏稱嘉靖二十二年正月初一日日食不及三分且日未出時候  
即同不食免行救護奉 是欽此欽遵臣愚竊惟懸象著明  
莫大乎日月日月之食天變之大者也雖曰少食即同不食臣則  
以為與其少虧不如無虧救護可免修省不可無也正月之朔乃  
歲之首也月之首也日之首也其食在日未出時則又時之首也  
是可不謂之大變 臣愚竊窺天象有符聖功聖人慎獨之 戒

慎不睹恐懼不聞蓋在幽獨隱微之中人所不知而已所獨知之地戰兢惕厲夙夜憂勤此聖人所以能立無過之地也故曰君子之不可及者其唯人之所不見乎日之未出方食而旋復即不見是圖不遂之復之象也伏覩皇上臨御以來敬天勤民昕夕無間聖德格天切憂勤之心致中和之極宜天地位而萬物育無少變異然古人以天變不作為天意妄棄以天變之見為天心仁愛是則天變實所以資聖功也且承君之命而致之民者臣也夙夜匪懈以事一人臣之職也臣職不修則化理自虧天象之變必不虛生近照禮部類奏災異奉聖旨是上天仁 災異疊見以示警告事關朕功的知道了便通行各該衙門官員痛加修省盡心職業共圖理治以回天意欽此欽遵臣有以仰見聖心懇切不自滿足誠堯舜其猶病諸文王望道未見之心也視彼遇災而懼側身修行者大不侔矣夫既通行修省臣似不必贅也而復

太平縣志

卷九 藝文

三

喋喋者竊以憂勤惕厲而無間者聖心也安常襲故者臣下之積痼禮部每年歲終之常例也其不以常行文移了未完故事之心視之者鮮矣更望皇上俯念元旦日食非常之異特發明詔求直言通行中外各該衙門官員痛加修省共圖維新之治夫直言者盛世事也故曰主聖則臣直禹之告舜則曰無若丹朱傲慢遊是好傲虐是作罔晝夜雒雒周水行舟朋淫於家用殄厥世姬旦之告成王則曰無若殷王之迷亂酗於酒德哉夫聖莫過於大舜其不為丹朱曾謂禹猶不知○成王嗣周之初其不宜指以亡國之主曾謂姬旦有不知耶而二臣直言如是此見虞周君臣和氣洽於上下畧無猜嫌所以更相飭戒用成迓衡之治所謂泰和元氣在唐虞成周宇宙間誠為知言後世忠臣務為諷意非不美第言辭微婉未免蔽晦本意莫若直言直指猶為光明何事為今日大難而最當先務者何事為今日大費而最當先罷者何人

為大賢而為今日當先舉者何人為大蠹而為今日當先退者何事為今日最所忌諱而難言何事為今日最所緊要而難行者何刑為枉而當正者何賞為濫而當節者凡有關於時政務要知無不言言無不盡明白直陳無晦正意萬一所陳有可裨益聖德者不妨已精而益求其精盛而益永其成將見行之天下而臣民稱聖傳之後世而史冊生輝各該衙門官員將奉德意將見賢者益自砥礪而勇於為善中材益自振作而求入於善不賢者亦知所畏憚而改行以從善矣陛下和德於上自宰相以至百執事和政於下百姓泰和於天下天地呈祥神人胥慶實我明萬萬世無疆之福皇上萬萬歲無疆之壽宗社幸甚天下幸甚微臣一念忠赤冒時進言伏蒙天鑒雖萬死亦無辭也

劾大臣不和疏

周怡

臣惟人臣事 無分崇卑無分內外皆以盡心體圓為忠協力濟事為太平縣志 卷九 藝文 四

和舍已從人

序 為公自古及今未有不由此而臻治理者也

大 爭於朝撫總大臣爭於邊而求修內治祭外每萬萬無是理也近知內閣大學士翟鑾嚴嵩與吏部尚書許讚不和互相詆訐及查兵部先因大同總兵周尚文奏討錢糧馬匹題覆疏內知巡撫總兵不相和協近據督理糧餉右侍郎趙廷瑞之疏又知總兵張鳳周尚文與總制侍郎翟 及督餉侍郎趙廷瑞俱各不和人持己見各自為心此大不祥之事誤國大禍目前立見臣請先論其理而後論其事易曰天地感而萬物化生聖人感人心而天下和平傳曰陰陽和而雨澤降其論兵則曰天時不如地利地利不如人和和之時義大矣天地陰陽不能違也近驗之一身猶見親切今夫心志甯靜則目之所視耳亦聽焉足之所至手亦從焉各從心所欲而效其職能然或目視而耳不聽則見聞不相應手持而足不行則物位阻而事廢其於心志所欲曷克由濟人君猶心志也

于足也 臣苟知尊奉心志 肯耳目 相違手足自

相 耶故曰同寅協恭和表哉風教之大禮讓為先禮讓之行朝廷大臣為首朝廷者萬方之所宗仰大臣者羣臣之所楷模觀而效焉必有甚者朝廷有違言之隙則讒譖之釁長於外大臣有動色之爭則攻之禍流於下由今溯昔未之或易也皇上臨御以來二十三年於茲矣由初年求治之銳以及今日憂民之切宜乎天地位而萬物育太平有象而四譯來王也今陛下日事禱祀而四方之水旱災傷 能消也歲開納銀之例而府庫未能充也歲頒蠲租之令而百姓未能蘇也時下選將練士之命而边境未能寧也此其故何也良由陛下勞心焦慮於上而下未有肯將命之臣也今何時也以內則財貨匱甚而百役繁興以外則寇戎驕甚而九边虛耗為輔臣者宜如丙魏同心輔政房杜謀斷相資夙夜匪懈畏天命而悲人窮凡可以利國家惠小民安边徼者無不

太平縣志

卷九 藝文

五

精思詳畫上以啟君心下以勵羣工可也夫何大學士翟鑾嚴嵩憑藉寵靈崇己徇和播弄威福市恩修怨聞二輔臣在內閣有違言失色入見陛下各有私陳背詆是二臣已不和矣何望其同寅協恭和袞以事二而風下也輔臣以至九卿百執事位有崇卑均之為耳目手足聽命心志以共成一身者也宜相濟而不可以相賊也輔臣真知人之賢不肖宜明告吏部進之退之則人心攸服不宜挾勢徇私以不可服人者屬之進退吏部宜有真心直節如貞女烈士使人望之知畏雖權貴不敢以非義相干不宜依阿奉承一啟順端而後不可逆也今嚴嵩威靈氣焰凌逼百司招權攬威使凡有陳乞疑畏罔不奔走其門先得其意而後敢聞於陛下中外之臣不畏陛下而惟知畏嵩也翟鑾則依阿委靡不能主張而氣勢之弱猶不足以驅人之趨附名位之先亦足以為嵩之妨碍尚書許讚兩世三居吏部亦可謂世臣矣雖曰小心謹畏而直氣正色不能

預鏘權位要求之心弱亦甚矣凡此皆陛下之洞照知臣言之非誣也詩曰有來雍雍至止肅肅相維辟公天子穆穆此盛世之氣象也今卿輔大臣陰擠陽排互相詆訐以陛下為何如主當此之時不思培植元氣愛護人材共圖折衝禦侮之計而務修私怨果何心哉臣恐大臣不和則儉邪細人乘間抵隙互相黨比媒孽啟釁非國之福可懼之甚也往時論劾輔臣御史如謝瑜童漢臣相繼假公事而罪謫之去矣其敏生喻時等亦以露於聲色直言敢諫之臣於權貴雖不利於朝廷則大有力也今皆假以公事奉有明命罪之謫之臣恐自是無言者矣陛下之臣雖有如橈机驪兜誰復言之非國之福可懼之甚也今入秋宣大已報聲息而文武總制大臣各立門戶各持意見平時既藩籬扞格不相和協則必無長馭遠駕之策臨敵掣兵按伏對壘將見甲可乙否彼是此非正臣所謂目視而耳不聽手持而足不行其不誤事敗謀臣

太平縣志

卷九 藝文

六

取侮辱由是而人和所結堅利於金湯又何患敵人不成禽也臣又近日內外時文武諸臣誠喜於被論而退信如是則上負朝廷推轂之心下解三軍死綏之志庸懦不忠召敵人輕視之侮為國大辱誤事非小也臣愚無知伏乞陛下大明離照赫施乾斷無感近論無忽遠圖戒輔臣無務修怨以竊威福戒吏部母務依阿以輕黜陟戒輔臣毋辱將官以離士心戒將官毋懷小忿以誤大事此皆目前要緊不可一日緩者也更望陛下優容言官博采羣策虚心聽納先務和德於上則大臣自爾公忠為國虛已忘讐各務和讓於下羣臣肅雝百姓泰和人和薰蒸神之聽之終和且乎區區外侮有不足攘矣此皆係於陛下建中和之極以先之臣微小無知窺見時事大傷國體私切憤鬱恨力不能排闥以號訴於展前誠得天聽而見之施行則亦可以報陛下祿養洪恩萬分之一即日太平縣志

卷九 藝文

七

賜死所甘心也他日曖昧制於輔臣之手如謝瑜童漢臣輩陛下能知之乎臣愚無任戰慄隕越之至惟聖明覆照宗社幸甚天下幸甚

感激 報疏

周 怡

竊惟受非常之恩者當有非常之報遭希世之遇者常存希世之義臣狂愚小臣不識大義原任吏科給事屢先帝知遇感激圖報於嘉靖二十二年因論輔臣嚴嵩等擅權內有先帝日事禱祀未能殄四方水旱之災致怒廷杖下錦衣衛獄梏繫五年再逮再釋當時人皆謂臣必不免於死矣幸而免死臣母在家病危屬續望臣一面而不可得人皆謂臣母子必不可得相見幸而相見復愈十三日乃終此皆蒙先帝非常之恩臣母子感激何可云喻臣舉家感激何可云喻臣即粉骨糜軀何以報萬一恭遇皇上膺天景運嗣登大寶念先帝遺詔推廣德心湔滌臣罪召復臣職歷陞太常寺少卿臣以

五年之繫萬死之餘兩次釋放生還送母終年臣之際遇至矣極矣又得耕田而食汲井而飲二十餘年臣之殘喘餘生皆先帝之所賜皇上之所庇也臣之願望極矣足矣何敢復望收錄召用此誠非常之恩希世之遇古今以來所希覲也臣當何以仰答萬一夙夜深思惟望皇上萬有千歲永保四海之富長居九五之尊子孫千億萬拜協和庶幾臣之野心少抒萬一雖富貴壽考子孫治安之久長者非徒然可得也必有德以享之德非徒然可有也必有道以修之學也者修德以享福祿之道也學非徒然可能也必有師 啟導之必有友以輔助之師友也者講學以修德之資也自古聖帝明王未有不由斯道以致治安者誠思法古帝王敬身修德親賢勤學以敬天勤民則天心可格人和可協太平可致而福祿可保也大臣職專輔弼師友之官也若不與大臣相接面商可否徒以揭帖進呈則精神終不流通

太平縣志

卷九 藝文

八

事理終有阻礙何以作孚萬邦而感格天心自古及今未有是理古稱君臣相得如魚之得水魚不可一刻無水為人臣者可數月半年不與大臣一面語乎臣實狂愚謹據千慮一得之見列為五條

上閔伏惟俯賜一覽存神深思無徒曰該衙門知道此非該衙門所當知者一曰定君志以修德業君道之大在乎知責任之難在君與相古聖帝明王曰后克艱厥后臣克艱厥臣又曰為君難為臣不易皆謂責任之難勝也為人君者豈天固縱之居萬夫之上得以自恣其欲自肆其情哉天地神人是主宗廟社稷是承其任甚大責甚重此其所以難也知其難則思所以圖之不可忽易古之知難者曰予臨兆民凜乎若朽索之馭六馬兢兢業業不敢荒寧曰惟稽古正學明善惡之幾辨忠邪之分曉然趨道之正在乎君志先定志欲為聖帝則必法堯舜志欲為明王則必法禹湯文武為之臣者孰敢不敬故曰君志定而天下之治成矣此

之謂可久之德此之謂可大之業此之謂能稱君道矣二曰畏天命以消災異人君為天下臣民之主所以奉若天道也皇矣上帝臨下有赫君道盡則天命眷之君道不盡則天命棄之天命眷則天下臣民是依天命去則天下臣民是畔此天之可畏也古聖帝明王曰我其夙夜畏天之威于持保之然人君者天之所立也天心常仁愛之君道盡則三光明四時順風雨時百穀成萬民安君道不盡則天亦念之出災異以譴告之垂戒之欲其警惕而修省之如堯之大水則曰洚水警余洚水者洪水也湯之大旱則以六事自責今歲水災亦以非常在內則官民之廬舍倒壞在外則禾黍舟楫滄沒舟漂溺糧船損壞人民溺死非小異也近報邊牆倒塌太多一時修渠實難私高敵狂大可慮也

德徙曰修省天

意不可四也必幡然改念平日之所欲者不欲平日之所為者不為勤政親賢去邪寡慾一言一動必就於正道則一念之誠上格於天災異自消

太平縣志

卷九 藝文

九

百祥來降矣三曰敬大臣以尊師道古之聖帝明王未有不由學而成者唐虞君臣更相戒飭君臣自相師友也湯學於伊尹武丁學於甘盤太甲成王學於伊尹周公皆學焉而後臣之宋程頤為崇政殿說書必坐殿上而講後世不知此義但以崇高自大以威嚴臨下不復知有尊師之禮師傅保之職三公之位也三公坐而論道我祖宗朝優待三公之禮甚隆其於輔弼之臣必稱先生不敢以官名不敢以名稱一則曰先生二則曰先生每歷朝實錄可考也仁宗以來未之有改也先帝世宗皇帝初年於輔臣楊廷和等猶稱先生自後一輩諂佞之臣進而始卑之矣夫敬大臣者以大臣近己也所以自敬也尊師傅者以師傅成己之德業也所以自尊也不敬不尊則視之如羣臣等無有畏心何所警惕徒以官崇之祿賜厚之是不足為敬為尊也要在敬之以禮尊之以心迎之則喜送之若失遇之則親親溫言霽色商訂可否不

以揭帖進呈如是則情意孚洽義理開明君道盡而大業成矣四曰  
擇左右以慎近習人之所居莫大乎慎所與與治同道罔不興與亂  
同事罔不亡故曰與君子居如入芝蘭之室久而不聞其香與之俱  
化矣諺云近朱者赤近墨者黑此理易知也況人主左右諸欲易遂  
服用華侈聲色艷麗使令便辟善柔便佞充滿前後其所言者  
無非蕩心之言所舉動無非肆意之事一日與居志念遂移夙夜與  
處染習無辨古人戒之曰不邇聲色又曰遠耆德比頑 恒舞於宮  
酣歌於室狗於貨色耽於音樂流於遊戲有一於此未或不亡故  
曰人君一日之內接賢士大夫之時多親宦官宮妾之時少則所以  
警省身心發紓志意德崇業廣心泰神怡樂莫大焉內臣中謹慎  
小心知義理識大體者亦多其善便佞者不少選擇而使之尤為緊要  
即今秋涼宜親近儒臣日講不宜暫罷五日勤朝政以勅臣工古人有言  
太平縣志 卷九 藝文 十

一日之計在於寅一身之計在於勤故曰鷄鳴而起鷄鳴則寅時也業  
精於勤勤則有功也自古聖帝明王必憂勤惕厲一日二日萬 不  
勤則荒惰晏安萬事隳矣傳曰大禹聖人乃惜寸陰至於衆人當惜  
分陰經曰克勤于邦又曰君子所其無逸我祖宗建無逸殿正訓以  
勤也常朝必於昧爽之時昧爽者晦明未辨之時也朝早則精神清  
爽志氣清明朝罷而退百官各有警惕得以修政立事非曰小補若  
於辰巳時朝則百官亦有年大者守候久而精神倦未免廢事習  
久則百官因循懈怠惰慢自逸無怪乎政治之不古也

明

頌

白兔頌 并序

周 怡

辛酉之秋八月初吉昊天司權金風瑟瑟灝氣覃敷夷則協律候

令物色式秩有兔維雄應時乃出雪為之色玉為之質毛純應月晴光如日融融馴馴蒼蒼溼溼肅肅爰爰自來于畢虞人獻之我侯惟懌曰此奇瑞非邑政之德心純政和物阜民逸惟我郡侯師帥明德升聞芬芬苾苾乃承獻於郡郡侯悚仄郡曷居之一德格天元同默契推我聖皇戩穀康民泰和孚洽禎瑞並徵天不愛道圖書來朋地不愛寶瑞禾薦登百祥駢仍萬奇効靈矧茲玉兔來庭匪兔是異純德維馨亦曰奚自呈自太平太平之政厥兆孔明太平之士其有精白一心為邦彥髦英者乎太平之民其無為衰邪虧貞者乎維教維養畫一于成太平之吏其將為公侯干城者乎兆有所感瑞不虛生若夫瓊瑤之質明月之精樸櫟之足朱熒之睛瑞誠異矣亦足以徵循良之聲維爾令尹永孚嘉名周子聞之欣欣喜曰物瑞異矣德尤徵焉邑侯不居郡侯亦不居盛德若太平縣志

卷九 藝文

十一

虧大義若疵天人交助萬福是基乃作頌頌曰猗歟盛哉德祥協通有善殞善矜能隳功我郡我邑謙翀其同海虛乃受嶽讓益崇祿厚秩顯壽永聲鴻敬哉懋德仰答昊穹

記

宋

衆樂亭記

孫覺邑令

物之可樂多矣惟其性之所嗜至山溪之勝絕水石之清涼則未有不樂之者夫無情然後可以待有情無情之至則有情者皆為之役山水之樂不幾於無情者與若夫聲利之士沉酣而滌瀆天理邈而世習深未嘗須臾而樂也暫而至山水之間濯去迫怵而返其本真則釋然而喜翛然而忘歸逋放之士頽傾而偃蹇脫身乎禍災而謝乎事物動之山水之間適其所欲而安於自棄則浩然而笑歌悠然而忘

返均之二者皆為有過而未造乎道夫惟至樂無假於外彼皆未能無憂於中故假於外而後樂也蓋君子出處不累於心而憂樂兩忘矣然則君子無憂樂已乎君子樂與衆樂憂與衆憂而身不與也余令太平之年得縣之東山溪之會處以作亭焉而至者樂之因名之曰衆樂又列其所以樂者為之記以自覽嘉祐三年六月守縣令孫覺記

### 黃山紀遊

吳龍翰

咸淳戊辰十月既望魯齋鮑雲龍古梅吳龍翰足菴宋復一來觀黃山羸屨登高餐胡麻飯掬泉飲之不火者三日從者皆無人色率不能從予三人愈清狂上丹崖萬仞之巔夜宿蓮花峯頂霜月洗空一碧萬里古梅談元魯齋誦史足菴歌游仙招隱之章少焉吹鐵笛賦新詩飄然有遺世獨立之興次 景鍊丹峯過仙人石礮酌丹泉徜徉久之次紆路遊水簾洞踏月夜歸少憩蘭寺持酒臨風對天都而酌之曰吾輩與若為熟識他年志願俱畢無忘此山昔歐陽永叔謝希深輩遊嵩山吹肅歌古調吾輩倡酬之樂似之韓退之登華山頂邑令百計取之得下吾輩冒萬險人跡所不到其狂又似之然韓有詩謝有書以紀其奇也吾輩可無一語留作此山公案乎於是乎書

元

### 遊黃山記

尚書 汪澤民 宣城人

黃山在宣歙境雄鎮東南山之陽踰百里為歙郡治其北三十里為太平縣又北抵宣治所二百四十里不當通都大邑舟車之走集而遊者罕至今年四月九日余始得遊焉山西之麓田土廣衍曰焦村蓮峯丹碧峭拔攢蹙若植奎若側弁若列戈矛若芙蓉菡萏而初開雲煙晴雨晨夕萬狀由焦村南道二十五里至湯嶺仰視羣峯猶在霄漢間

岡阜蟠結鑿石開逕崐嶺欹危瀑布聲訇隱如雷怪石林中半壁  
飛泉灑巾袂當新暑淒然而秋又十里憇祥符寺寺泉淙流走  
萬石間山皆真松名材藤絡莎被菴蕞龍茸有靈泉自硃砂峯  
來依岩連二小池土池瑩徹廣可七尺深半之毫髮可鑿泉石底纍  
纍如貫珠不絕氣醱醇若湯酌之甘芳蓋非他硫黃泉比也明日試浴  
垢旋流出纖塵不留令人心境清廓氣爽體舒相傳沉疴者澡雪立  
差理或然也寺有南唐碑初名靈泉院宋祥符中改今額又龍池距  
寺左三里許奔薄瀉石潭中亭午照燭五色璀璨誠靈物所居夜  
聞啼禽聲甚異若歌若答節奏疾徐名山樂鳥下山咸無有行寺旁  
近見數峯凌空僧指云芙蓉硃砂其獨高者天都峯也上多名藥  
採者裹糧以上三日達峯頂余心甚欲遊之而鳥道如線不可乃止凡  
再宿寺中還至焦村之二日行十里遊翠微寺古松修篁石澗橫道僧

太平縣志

卷九 藝文

十三

橋焉覆之屋以息遊者清冷靜邃已隔塵雜余為榜曰翼然至寺庭  
有井泉僧言此麻衣師卓錫處泉亦清美不涸不溢一峯卓然獨秀直峙  
東南隅曰翠微峯其條支迴互寺居盤中故諸峯俱隱不見明發行  
五十里過白沙嶺往往攀崖壁牽蘿蔓或小木貼岩若棧而度幾不容武  
傍臨絕壑惴惴焉不敢俯而窺又七里至絕頂頂平廣倍尋方據石小  
休時晴雨旭霽氣象澗潔環視數百里岡巒墟落厯厯可數九華緣  
翠若蓮開陸焦村向所見峯皆平挹座間俄頃白雲滃起遙崑嶺  
如出沒海濤僅餘絕頂槎泝天漢中倏又斂藏如掃如是者三可謂  
奇觀矣日暮抵寺亦信宿焉又二日從村北十里登仙源觀至元中新安吳  
萬竹習靜茲壤嘗衍易宛陵誇詡其勝余贈詩還山今竹存而吳逝  
已久林阜周密南列翠峯鍊形引年者固其所哉既還憇吾宗公  
仲雲松樓越十日踰興嶺而南所謂三十六峯者駢列舒張橫絕天表

疊嶺效竒獻秀盡在一覽行田疇竟迺登橫嶺陟小邱道左竹  
杉陰 中小徑縈紆 屋數間一僧奇 近八十煮茗進果自言  
結構力田間則持經翫空歷二十閏矣門外營草亭往來休焉庫  
陋將壞余將改築亭之右丈餘南峯翔舞迎乎前北隴奔躍駐乎後  
左右翼如景益清名之曰芙蓉亭而未暇也循岩曲折抵白龍潭巨石  
崿訝洶湧衝激深不可測歲旱民謁歛兩立至又渡板橋有小菴食澹  
苦修數輩居焉嘗有逃空谷者出奇方療人疾頗衆既亡座浮圖中  
余持徵夫山水繆繞自奧區於高峯之下由輿嶺抵北四十五里人煙遼  
邈可屏塵事遂宿焉聽泉而去凡道途為里若干皆樵牧負販  
隱度云然非有堍以步而計昔大德戊戌歲得茲山圖經神思飛越而  
因循皓首甫幸一至至又弗克久留而去每登山時率宿雲收雨紫翠  
如沐山下之人皆以為山川英靈有相之道余以竊自喜因思向在南  
太平縣志

卷九 藝文

十四

安之日造南源山禱雨龍湫跌揭亂石急流中腰絙梯藤登懸崖上  
而後下至潭所其岩險視之行為甚是故樂清賞以醺宿昔忘躋攀  
之勤而不知高深之為懼也余當謝事與二三友結宇讀書以畢餘生  
較之充詘於聲利而不足也者不猶愈乎

太平縣秋糧折納記

汪澤民

宣屬邑六平尤僻且遠介萬山間距郡二百四十里蹊徑盤折土壤瘠  
枯山 十八九居人巖耕石耨菽粟麻棗衣食弗裕厥田在高崖深  
谷或隰臯兩暘少失節崖者稿谷者寒隰則沮洳歲功罔成又種  
僅宜黃秬田之收無一釜之畝是故邑租恒折納輕齎云爾大德中  
郡立倉水陽儲漕米有司弗能察太平與他邑通舟楫者槩徵  
本色糧詣水陽輸當徵輸時溪澗涸凍灘磧阻險月餘始達民甚  
病焉至正四年博陵崔侯以江東廉訪僉事按縣至問民所疾苦

鄉耆羣進而訴曰邑甿之病餘未暇悉舉尤厲民者莫若輸糧歲計一萬六千石有奇今湖之安吉徵之休甯鄰邑之旌德皆聽折納請如此例崔侯憮然戚嗟曰民瘼有甚於是者乎興其利除其害更張其弗便吾職也立召令姜杲 郡郡上江浙行省行省以江東分司牒轉達中書中書檄戶部議凡五反覆竟莫易分司議折納上中書遂咨行省為例後四年二三耆德致輿人之辭請予書其事於石予惟除田租弛山澤凡禁可以利民者夙夜在心而以宣恩廣澤屬於羣工有司於戲仁哉崔侯之舉無虧乎公有便乎民可謂惠而不費者矣余既嘉部使之利民又多邑長之能力陳民隱而黎甿知上之所以庇我受賜於無窮思著其蹟而不忘是皆宜書余郡人也窃嘗有志乎民事才弗之逮樂聞其善乃為之書

明 太平縣志

卷九 藝文

十五

重修縣廳後堂記

孫

鎬 邑人

國朝混一區宇撥亂反正方州大都類皆更絃易轍惟邑僻處黃山之麓為縣自若第天造草昧之初淳龐樸野工尚省易縣治簡陋後雖代經修造而規制尚襲舊也迄今二百餘 年久圯壞贊政廳後堂長府尤甚不可支蓋須維新亟矣甲戌冬張侯御命來尹茲邑甫下車惻然心目謂宅中臨民所以謹內外辨上下肅等威由政治也孰令因循至是首詢士論民情允悅繼白郡長監司協從遂命里老估其費若干適是年添設少尹廨工亦亟總計其值五百有奇鳩工集材經營量度不遑暇食井井即工雖一木一石精神料量有必周侯之用心綦勤哉士夫鄉民鼓舞奔走咸願輸木助埴以舉大工侯深嘉其意而必令各償其值凡夫 之 舉出帑資以給之里排若不知有是役者侯之恤民亦至矣吏稱用繼

更捐俸以濟不足工始於乙亥五月四日越八月望日落成堂廣廉峻  
崇 複 翼翼殖殖數百年未備之觀至是而耳目一新於以革其  
簡陋樸野俾聲明文物駸駸日新月盛者君子將於此卜之縉紳耆  
彥僉謀立石以頌功德屬鎬為記鎬不佞竊知侯之所以用意者  
敢忘所言

重修儒學新啟聖祠記

尚書 畢鏘 石埭人

我國家建學作人治咸三五所藉仰承德意則在賢有司余昔視  
學兩 守令有若而 美焉 接 令太平張君舉  
進士年 少始為宰即以敦教興學為首務時時抵巇宮萃博士弟  
子員程文誤道見學舍殊不輯歎曰責在吏夫宮墻數仞則師遵  
尊廟貌聿新則瞻仰謹諸豈觀美具忍令 圯不為理使吾道之  
榛蕪 在指目間也謂作人何迺請於靜院宋公按院唐公兵道馮

太平縣志

卷九 藝文

十六

公亟所以修創者既嘉允則捐贖緩若干委屬官項文達老人孫  
燮等董其後自棟宇及廡壁稍不稱輒易之尤念啟聖祠久圯甚  
非所以重淵源也更造焉始萬曆四年三月十有九日迄六月二十  
日底成蓋僅僅若許時而堂階崇隆丹雘絢日士益知有仰止之  
基民益知有明倫之化孰謂漢文翁今不復覩哉學諭王惠訓導  
陳寰徐雲鳳以君之政績在校官偉然不宜無記式將來遣陳生  
天德天爵孫生子立杜生文憲走帑留都圖其記於余余時兼理  
儲計無暇翰墨顧桑梓在望桃李生春張君政可風也義當勉為  
記雖然記事體日月止爾則豐碑史篆違觀美幾何姑無記其事  
記其心吾儒以一體之心宏經濟之學精神流貫隨處就理世之仕  
者視 如傳舍即一座外秦越矣安得如張君為政令人人知一體  
意雅稱作士心哉抑余猶有期於諸士昔王文成公言有司修

學在學舍而居廣居立正位行大道乃士人修學事張君之心無亦類是爾太邑士故談心性士習最愿謹更能以賢父母為賢師傅修身則修修職則修無隱顯無崇卑隨試有理治績即張君之用益永永無窮已余未髦且樂觀其盛

重修儒學記

尚書

謝

綬

安人

邑初創嘗並建學舍於其西一時人才漫不可考至宋嘉祐中孫先生以一代名人來知邑事乃徙其左而前之普通衢面秀嶺黃山三十六如列於尊度一仕宦有焦炳炎煥

出焉茲

為屬邑冠至正壬辰以兵燹蕩盡國朝混一六

合漸次恢復令尹李簡蔣忠嘗留意於此科第又有王王良程

輩五七人出焉茲學大不在六邑後景泰以日就圯墜宏治壬子進

士博平張君來是邑久之顧興喟曰此吾責也乃以義倡邑民之有

太平縣志

卷九 藝文

十七

力者大修之方度材庀工而余邑鄒君賜適來掌學事悅然有志於振舉遂聽其胥地之宜去污就隆經始於癸丑十月完美於丁巳

月明倫之堂分教之齋肄業之所總二十九間皆甃而灰素之雄

偉周密繪

中限以門三間美亦稱是惟大成殿較門仍舊

則亦兩廡而新之復易櫺星門謀為一坊以翼之由是

氣倍

蕤疇音絃誦之聲旦暮洋洋過者咨獎觀者起敬以為前此所未有也掌之同寅諸敞暨王冀何鏡俱先後協謀者相率走書徵言為

記予謂張君作興庠校如是不惟施教者得所因而受教者亦有所栖止感發而變其故習宜其掇科有人易易爾雖然掇科常事也佩服忠孝砥礪名節實朝廷建學立師之意亦張君始終振作之心後之良有司尚其以張君之心為心嗣而全之俾凡教於此者亦得以賜等之心為心也然則茲學之興其可量乎張君名翰字克容惜

財便民量時度力多美政茲乃其一端耳

五事記

郎中 王 畿 山陰人

太邑春宇張侯舊有鄉約講會予蒞會所發明親民之旨既迷其概而記之矣士民約長諸役念侯及民之政其大且切者五事曰修縣治興學校築城垣建義倉及講鄉約慮其無所稽也復緘辭介幣屬約史汪廷輝陳文采等趨進新安徼惠一言勤氓以垂不朽

守令為 民之官而令於民尤親親民也者親之也一體之義也侯謂予曰民好好之民惡惡之好惡同於民然後為民父母可謂知所務矣夫治堂出政之所教化所由始故先之以修邑宇政莫先於教化故次之以興學校城池所以育民而保治也故次之以築城垣民資於養衣食足而後禮義可興故次之以建社倉若夫約會所以萃士民昭法紀開 是非之本心以示吾好惡之公於風化尤有所補故以講鄉約

太平縣志

卷九 藝文

十八

終始其事輔成絃歌之化非徒粉飾之具而已也夫邑宇葺則禮貌尊學校興則士心附城垣築則外侮不生社倉建則歲缺有助鄉約舉則羣情協而德惠流自親其勞後人坐享其成非愛民如子視官事如家事次第興舉達其一體之實政能若是乎世方以興作為諱嫌叢謗侯果於自信確然任而行之不搖於羣議猶可以為難也粵自親民之學不明而王澤竭居官者議政而不及化下焉者議刑而不及政甚至縱恣淫虐繁刑以逞使民無所措其手足莫知向方其為父母斯民之職何所賴也侯既朗於親民之義其心政教刑罰緩急之施當知所以自擇矣夫親民以達明德一體之用出之有本而其機在於一念之微是謂藏身之恕非可以偽襲而強為也侯也能進乎是則幾於道矣為書五事紀以貽之

天都書院記

主政 蕭良幹 涇人

金陵鍾阜 王 攸翠堪輿家謂發脈於太平之黃山黃山六  
六簇然畫屏而端嚴挺拔甲於諸峯為江南巨靈者天都也迺遷  
至於文筆之麓昔有文筆書院劉大人雲鶴公嘗葺之更名曰  
天都蓋推山祖廣名義欲以地靈歆人傑也年來圯頽僅存虛舍清  
漳春宇張公令太平甫下車開宏會所堂廡黜堊一洗而新之文  
筆增色碧雲騰光多士快哉每月以朔二日望二日為會期偕  
學師羣多士於院中課舉子業評批磨勘洞中 刊落 隅冲  
然飲人以和雖公務勞劇會期 夾嘗謂舉業者士人羔雉羔雉  
弗飭即懷補袞和鼎卒無以酌迺塗院壁有勉諸賢砥礪前修能  
忠能孝之句院後作聚樂冰壺亭蓋以忠孝立標以冰蘖勵操其  
課 豈 膏冰售市門已乎跡公之與百廢而風勵多士  
者鑿鑿可紀如飭學宮新聖祠建縣治立社倉增城垣諸凡新政皆  
太平縣志 卷九 藝文 十九

經世業山嫗岩叟訢觀太平氣象則多士山斗獨校藝之所乎哉諸  
士課業於斯息游於斯處則羲唐君民其志出則道德仁義其  
功俾按籍者號曰令君所治鑄士如此天都之產士如此多士不  
負令 也如此公以文學興吏治用承朝家育才茂典其光爍竹帛當  
與此峯並峙不朽院成屬余為記以風游斯院者

嘉會所記

王 畿

萬歷丁丑歲夏予赴涇邑水西之會因趨太邑省視故友訥谿之  
家偕子姓 邑中舊友數十輩於碧雲山館邑侯春宇張明  
府傾蓋之雅屬意殷勤宴集於城西法堂縱言及於學扣予  
大學親民之義予舉師門古本意酬之大旨謂親民也者親之也古云  
親民百姓親萬民秦漢以來亦曰守令親民之官侯曰此正論也好民  
所好惡民所惡民之父母人傳老老長長恤孤諸說皆取諸此侯泣

任以來憫風化之未洽慨民行之未新立為鄉約與縉紳學校鄉耆里老共圖之每朔望舉行於東嶽 中侯 速予往泣其會予曰天雨則留霽則行矣侯曰待天晴雨以為去留是主人之意未誠也予鑒其意懇許之及臨會則學博幕屬縉紳士友及鄉老諸衆羣然聚於一堂濟濟翼翼井然有序宣讀聖諭興俯揖讓歌詩習禮秩然有儀觀者如堵可謂一時之盛矣諸鄉耆里老與邑之諸士友因乞予一言以紀之予惟為學有本倡化有機不務其本不存其機雖堯舜不能以治天下大學明德以萬民為一體親民所以達之也是故欲明孝弟之德必親吾父子兄弟父子兄弟相親而後孝弟之德始明欲明慈愛之德必親百姓百姓相親而後慈愛之德始明舍此皆為小成之法非二氏之空虛則五霸之功利非所語於大人之學也所望吾侯與吾士民既倡此會須以實行將之實意承之取諸身而可則達諸太平縣志

卷九 藝文

二十

政而不淆弗徒虛文為粉飾之具度德可大而業可久區區美不忘規之意也予與訥谿嘗開講於此撫懷今昔宣勝感愴念菴羅子書為嘉會因書嘉會所記貽之以為左券云

春日省城記

崔 涯 邑人

邑不盡城太平城乎城太平今始也議者曰環邑皆山四塞為固奚城乎曰備不虞也不虞而虞之者長慮也往歲正德辛未石埭章寇起急無備空邑而竄卒不害天幸也是一變也嘉靖乙卯倭寇零散者四十餘孽耳 行於叢於徽莫 櫻其鋒過旌之三溪邑甚危議棄而避之予力勸止之結寨以待卒獲奸細亦不害天幸也是一變也雖僻陬巖竇不足屯結而陰箐遂谷逋亡依阻故易聞謗言易騷鳥驚獸駭望城以為命而奚可不誠乎且東去海五六程西去江一二程賊帆上下乘虛而入而謂太平可不誠者非也維時撫臺

周公如斗奉朝命申令於上郡侯羅公汝芳力主於下予邑顧大夫任事尤謹初令民有不欲者財民財也力民力也可與圖始乎絕意先事之防甘心臨時之悔情則然耳乃我羅侯顧大夫下諭曰民惟官之副也官庸無民之副乎哉勞矣思節之費矣思復之吾借其暫以為爾家計子孫 萬年計使其安亦如城然恃為己衛非己厲也是城也其城民心之誠乎乃縮其區畫週而丈僅八百有畸基廣丈二高丈有八石為趾居其七甃增之三凡為堞幾為舖幾樓而 者五石而水門者二計邑之租與力多寡豐嗇定為限責之自營縣為督率之時視其豐脆以示勸懲時撫與巡與郡咸有助金民見其費涼而工省 趨事家自為城人自為役不三月而言言之勢成矣迺三月 日顧大夫以予鄉士夫咸與有力請共觀焉登亭子山倚碧雲揖黃山諸峯羅列如黍米麻川富溪湍激洄洑岬岬其下是誠

太平縣志

卷九 藝文

二十一

一大雄觀矣於是設酒于亭斂而樂至夜 生風暈顧大夫笑指曰險象也邑胡不城花拂于旌曰陣象也城胡不守予應曰衆心成城草木皆兵太有之矣乃各賦詩一章以紀勝而屬予題諸首

增城記

祭酒 呂 旻 龍溪人

太平建治介黃山之麓麻川富水走其下四塞險阻自唐天寶肇封以來皆不城以固嘉靖間一警倭孽後亟戒曠徒出沒郡守羅君汝芳邑令顧君鎰始奉文當路城太平曰以待不虞豫之道勝也然非常之役慮始為難時城矣城高不逾一丈厚七尺設有跳梁之徒奮臂一 辟跨村家堵耳矧旋圯旋補利不掩害謂城何而卒因循舊貫者則邑久缺令而肩事之無人也今天子改元首詔臣民急在四方之城守會中丞陽山宋公兵憲修吾馮公咸抱大方畧注意保障凡屬有不城者修之城不稱者修之而太平孤懸岩邑尤厪慮焉萬厯甲戌冬余

伯氏 張氏 子大夫初 言 邑父 語之曰凡猷

而易事者事必不醜工大而愛 者力必不休城乎將爾之身 爾之子孫衛也今若此而欲永 以安難矣即率 定里 令自致 而增築之凡垣堞週迴九百餘丈高一丈者崇之倍原 尺者益以什之三上廣八尺石為之道下深大有一尺石 之址樓門 鋪俾飭之一新且也重慮衆志不一分屬幕尉王本信等昕夕敦其事以丙子冬月始告成於丁丑秋七月其為地方計備至也語有之哲人成地又曰 心成城是役也台使有注 之功令長有 之 民有子來之誠 上請於 下 順宜不 公 不 月而全城之勢今昔感觀矣然有 之孟子地利不如人和城築之難守之尤難究所以致此者廣儲蓄不有義倉可建乎厚風俗不有學校可興乎輯鄉保不有義營卒伍可 乎今太平之政且章章舉行民用和矣城胡不守往不佞取道北上獲 太平之風而太平縣志 卷九 藝文 二十二

張令君一時遭際未嘗不以太平事業相期許比者三載課績具城役本末請予記予樂其功之成而願望之副也輒為之志其歲月 為如此云

### 土地祠記

崔 涯

古者慎制祀以為國典典為政所宜祀者非鬼之祭非典也典正而後敬立敬立而後物備物備而後禮順樂和而祭之義行焉此世道之大也政而繫之教也故曰明則有禮樂 則有鬼神道祠 者也西蜀 劉公名元凱以名進士宰吾邑事承積廢政立改觀 以興教化正風俗為本除穢革邪敷和於下甫三月考民風閱羣祀祀不經見者曰越也非鬼之祭也木偶而神事之崇奇邪矣亟命去之而縣前土地神宇弗費葺歲時弗備曰隳矣此一邑人所寄命也載祀典者也而乃弗飭巖正教矣即割贖舍新祠宇懸鐘鼓

其道 以 祀 之 具者撤廢祠之有充焉又懼  
之尚鬼 正而難諭也乃 於民曰吾 淫祀無福言不款非類  
又曰賢者之祭必受福 非淫祀必歆者也天子命吏於下非必專  
疆督財賦而已凡以教正教順黜奇邪興禮義以率於道吾之斥  
祠而舉是祠也以明教也於是耆老髻童轉囂就智去悖即順  
若痿而起若矇而瞭騰勇懽愛咸底於理祠成請予記之夫昔共  
工氏之伯有九州也其子后土氏能平九土故祀以為社此土神祀之  
始也天子祭后土郡國邑不敢言后土但曰土地神者謂司此地之士  
神耳太平一邑之士神邑之人世依為生蒙被功德所宜報而祀而以  
告以祈者公一舉而三教興焉邪正明於祀典舉斥行乎鬼神設乎  
此以況乎彼凡民素為善為不善者有不惕然警翻然改乎官治  
其明且著者惡隱未彰德陰弗露神監之有不幽殛之祐之者乎幽  
太平縣志 卷九 藝文 二十三

明交相贊也而又官為神主為民倡所宜修政而冀神祐者尤要也夫然  
後官舉職民勤業鬼神贊相母悖而正毋怠而賦毋頑而獄刑清而  
政暇俗正而風敦禮修而樂備而治道成矣故曰一舉而三教興焉世  
道之大 也宜誌諸石俾知教之首

劉侯惠政記

張 棨 涇人

劉侯諱元凱字舜舉蜀閬中人也盾地汪浩不受塵束講聖學明王  
道慨然有天下之志幼在庠校夙著雋聲尋以經義魁省試登嘉  
靖辛丑進士第授太平令太平為畿輔僻邑治之難其人鄉諫大夫  
周君怡時請於天曹選於衆得侯侯膺命蒞任首咨耆黎慮深  
求瘼懲弛廢之久奮明作之功布諭令設章程一時窮鄉野老誦其  
言者輒 然思見德化之成也城狐社鼠落胆屏跡詭胥猾隸肅  
惕若愚雖鈎距之靡用斯亂繩之易理顧姦渠必剪戚於制禁

治具初張駭於鋪施者有之矣侯率自信於心無要於德藝

以宣教化勗君子以小人天都之堂致高蹈之士譽髦合并敦

輔仁夫然後安遠順廩廩乎還德讓之風也侯求治愈切視

始益虔廉白之操矢以天日間過斯改見善必採憫窮樂施禮賢

居體厯官數載竟私囊無一錢之儲家室供具澹如也若乃存心

淵塞遇事爽發巧於為民拙於奉上絕請託抑強禦無纖忽彌綈

以援時好歲大饑民無活計監司畫法下守令未詳於殊俗侯

懇便宜之策委曲存濟恤活衆會本郡議加征稅侯力爭之免科

邑省數千金病苦利害所在相子向無以自立者莫不藉

以更生彼席盈安富足以侈己無求者若未有可指之澤及之然數

年無疑獄宿訟煩於郡憲累遭歉歲家得免於盜賊攘奪之患

伊誰之力歟三代而下世稱循吏卒亦補偏救弊未深明於先王之

太平縣志 卷九 藝文 一二十四

訓矧學道愛人因心立政禮教既敷威刑具舉含元和之精應期運

之數者哉直道而行有斐不忘民皆有心能弗依依於侯之去耶茲考

績戒行父老頂清輩遮途忘遠泣攀弗得迺載令績勒石以傳慮

其言之不文也屬諸桑棨素狂慙羞作諛人語爰以道義之交知侯

獨悉綴採民謠用備野史辭曰粵明侯之曜翁仙源之暉

通神化於自然兮憲先哲而齊暉既克己而顧愆兮何求乎人之

是非瞻父母之孔邇兮樂凶年之無饑播青陽而廣被乎雖蟻穴

而靡遺犬不夜吠兮牛晨歸郊外家家敞晚扉雲歸樹兮鶴高抄

飛繼此而往民焉依行囊蕭蕭兮鱸尊稀青天白日今皇羲徽

流來世兮永不疑由後視之古雍熙

三府會館記

鄒 暘 邑學

去甯國之太平縣治百里地曰郭村帶徽躡池為三郡禁喉其南三

十里至羊棧嶺又四十里至徽之黟治其西北十里至桃嶺十五里至壓脚嶺又四十五里至池之石埭黟 相距百五十里視驛道之迂省三之二然非窮日之力所能至況天設其險有若蜀道每當道撫察使至寄宿民舍甚不稱觀望宏治癸丑都憲浙東何公過而慨之謂於此構公館為宜令下郡發青贖於縣以為基地材石價時通判顏君祿壽洩縣率前張戶瀚市地於村之崑前四畝有奇羣議既諧農務甫畢而典史員守行適抵任因委以董其事是年子月初七五月廿一為經始落成之日前門中堂後室為間皆三庖漏之房僕從之所又十二間列於左右繚以周垣灑掃有役啟閉以時蓋不惟司撫察者有所於息而凡有公務于三郡者皆得以棲止焉綽然一都會也歲己未五月今都憲安福彭公按臨由徽道池踰羊棧洩公館出戴家灣度壓脚嶺見其崢嶸巖崿一逕縈曲

太平縣志

卷九 藝文

二十五

商氓荷 皆偃僂 如其步公因太息曰分館善矣如通衢何亟徼下太平仍委典史關之時郡守劉亦屢以為言韓尹立承命唯唯縣丞樊良器贊之而典史冒署執坐日中教護不敢少休險者寬之側者平之穴虛者甃補之水斷者橋跨之木樛而崖偏者斤斧鋸鑿之歷數月間易險為夷於乎是舉也非何公孰始之非彭公孰終之而郡守以下及邑令丞之相助員典史之董工勤恪皆不可誣也彭公道再經止宿公館既深嘉乎員復命拓地立門於館之前而名之曰三府會館且命暘記之夫都憲之盛德善政故不專於此然善者於此亦足以知矣斯館斯衢興廢有時後之人可不鑒前哲之苦心嗣而修之以永利後人乎

宏潭巡檢司記

使 許天贈 黟人

巡司曷為而設設巡司以禦暴也國初視地險隘為盜賊出没衝建

巡司防剽掠顧地有變遷道有通塞則勢不得不改建宏潭巡司隸宣之太邑司以宏潭名曷為不建宏潭而建巖前宏潭昔為要衝路寢辟巖前昔為區莽今為要路通京師適吳越往來必由甯徽池三郡毗連之地會館在焉山陡隘林蒼蔚無比閭雞犬羊棧當其左桃嶺扼其右山之外為長江一帶盜賊嘯聚往往剽奪而莫誰何檄宏潭司改住盤緝非一日顧備員不備司賃民肆托居殊非久遠卜地改建自邑長春宇張侯始余聞侯增城浚池矣躬教化申鄉約矣邑民素稱強黠者喁喁向善矣即巡司廢而不設亦何不可侯方皇皇然當道出帑資闢地構司為太民立久遠計為三府計為天下行旅計上官經是道一入境知侯政最商旅無一人不沐侯庇覆其用心誠勤矣余以為侯在太政教足以懾強暴侯離太不諫即臺自此握鼎鉉施太之薰善良者以綏內治施太之緝奸暴

太平縣志

卷九 藝文

二十六

者以嚴外威即九門設而不閉九邊備而不用豈獨一巡司哉余以為司可以無設而侯必設者安不亡危也曷改司不改額額仍宏潭遵祖也改而更建變而禦暴也亦遵祖也余曷記記侯遠慮却顧之心記侯通變宜人之心又記侯已行之政未究之施預為社稷蒼生慶雖然猶有說焉為關本禦暴非以為暴司若司者勤而事慎而守緝民之暴無為民暴以仰副侯立司之心則巡司職也巡司責也是役也經始於萬曆丙子之夏曆丁丑冬而成經畫規式悉出侯斷云

督捕館記

副使 查 鐸 涇人

太平古仙源地也介在山谷中東連旌德北枕涇邑西隣石埭南聯黟歙犬牙相制四通五達而太邑治僻居東北隅非適中之處西南一帶偏廣如長壽涇陽龍門絃歌等鄉距縣頗遠層

疊嶂各 村落民居其間有垂老 至縣庭 姦宄出歿難以時

察即有點悍弗率者負固其間駸駸乎尾大難 以地勢偏重然

也古有龍門巡司今不復設而未有以處春宇張侯令仙源之三年輒詢諸士民知龍門賜田為諸鄉適口之所乃請諸兵憲馮公郡伯鄭公參詳而達於撫臺胡公按臺耿公報可愛建督捕館議掌印官暨巡捕員役若時團練督察凡以綏甯治疆也既竣厥工授簡於余屬記其事余觀古昔聖王分畫郊圻建置城邑大小相錯輕重相維即窮陬下邑苟涉要害皆經理之所必至豈故好為煩瑣乎哉昔明道令扶溝欲開溝洫曰吾將行矣止開十里後之人知其利自不容已也象山守荆門遺書於家曰近來無事性料理城池不遑寢然外人未之知也此皆志在為民故功不必己出名不必人知也侯令仙源已踰考績行且內召矣乃猶厯此舉侯之心真明道象山之心也哉功

太平縣志

卷九 藝文

二十七

始於萬曆戊寅之春而告成於首夏正堂及後堂門樓各三間東西廊房各二間前為教場一所其資則取諸餘帑不煩民力侯為政精明振刷諸廢竝興治行不能殫述建館一事其緒餘云

甯國門記

梅

正德十五年月日太平新作南門城使譚子淮來謁文辭不獲命乃為記之其詞曰惟太平甯國之屬而國於黃山 嶠岫以為城流波以為續莽蒼以治夜游不束前政情窳民用不穀乃惟莆陽朱侯之至褰心為治雜荒剔蠹修舉墜廢顧瞻南端道無啟閉欲宇民甯培護風氣以遏姦暴紓此宵士諮諉輿人九工奏伎役不民傷財不經費奮 一言高門以備崇崇閱閱子男規制顏曰甯國因方取誼其誼伊何以旌吾志曰嚴大府如臨怙恃奉令承教周放不貸百會徵辭喟予以禕且矢勤者政祇廉者身褻慈者民靡勤則不疾

廉則不紆慈則不披三者備矣乃利於治雖然勤不可岐商便為之廉不可侈剝灼為庠慈不可遺束濕為媿是故君子思誠為師思誠之道以敬為資有如朱侯之才之優國之職貢民之噢咻其力既戮不以魁顏易我靈龜其清既修尊此如傷屏彼臘臚其仁既流而又表閭大府作求赫然師保在彼離甌盱衡堂皇肅乎如秋微哉此指充之饜饜苦節約損愛民如子之心之令必出乎是辨而不德悖戾纖圖或競金矢或通象齒之俗之事不入乎 侯在在門善流階所民在在戶有萬其衽一門之作所係如此其利雖 其事則邇宜爾庶民和會驩喜舉洒落成勤珉以俟祝侯萬年活我女士

縣廳記

宋邑令 孫 覺 高州人

太平為縣自唐天寶十一載至今蓋三百餘年矣唐衰更五代強者相與裂天下而有之所在建國國地小蹙賦役繁重而爭大不休太平縣志 卷九 藝文 二十八

方州大都往往破碎於是江南號為多事四面敵國又最倔強被兵者屢年太平是時為縣自若也宋興天下為一民生不識刀兵更戍之苦祖孫安養相守以益蕃衍水衝山落聚輒萬家地耕無荒而巖崖蘄絕可謂既富而庶之時極盛最隆之際也然而有猶以陋名聞於天下蓋其為縣在州之極南山斷嶺隔途絕複道不可車馬用里計之二百有四十而後至州隸縣之民其間衣食器用資其地之所出其田鑿山為畦播以稻不可畦者以粟以麥歲豐則斗米三十錢歉亦自倍其畜雞豚牛羊而用以饗賓客以祀非其鬼其 之時或鹿或熊不常而異者不可識其溪可漁而魚特美又善治塘陂以豢以溉也其菓與蔬宜於山者皆具其油漆榷栢竹木以器而足乎用邑人無外求焉者其績麻絲織以布帛不為朽刻無用而適乎溫涼其山多莫名所望孤峯拔立於羣山之上者

曰黃山蓋其峯三十有六云縣堂見之百里然非所領也其太  
而嗜利良民間亦自重但不知儒而未之學蓋其僻陋不與世接  
而為生之資自足也夫更亂世而不與爭鬪殺戮之害而父子室家  
相保獨完亦其所居僻陋之幸也至於遭治定之時萬里一家天子  
屢詔州縣立學以風勵天下歸之純厚於是他邑舊俗寢變而好  
學自修之士所至有之獨茲陋邦在藉者至於萬人而應書者無  
一此豈南北異才而姓分之不同哉是亦所居僻陋之不幸也余既  
令之明年易視事之堂新之悉取前任名氏可考者列之 壁又  
為編次其山川物食財用之可嘉被服風俗喜好之所尚從之君  
子得以覽焉嘉祐二年丁酉十二月將仕郎試秘書省校書郎守  
縣令孫覺記

三思橋碑記

監察御史 鄒 儒 豐城人

太平縣志

卷九 藝文

二十九

徒杠建而通徒行輿梁成而通事與此聖賢之格言王政之端也為  
治者固當舉為首務況士民乎今南畿內郡屬邑太平鄉雖有  
九而溝渠橋梁非一也然當衝要往來者莫切邑之西街三思  
橋焉蓋橋以三思為名古制也鄉民有闌墻之釁詞訟之爭奔  
赴宮以鳴訴者及履此橋皆熟思審處觀此水悉正本清源僉曰  
與其紊擾於官孰若息爭為愈即退而安分藹然仁厚之俗自我  
太祖高皇帝龍 以來至今百餘斗民安衽 雞犬弗 家禮樂戶  
詩書皆三思橋息爭之所致真太平之氣象也然年久橋壞邑人方  
氏必通世家橋側與諸昆季曰端曰恭曰敬曰宏朝夕商確繼乃父  
景福之志而重修之凡鄉里豪傑聞必通有志於此舉喜至折屐爭  
相謂白三思橋關一邑之人心也橋使人而往來人感橋而息訟可不  
捐貲以助其力乎必通氏愈勵乃志舍己為人教護屬工葺力運

石興工於成化辛卯八月成功於九月之末也功成之遠不一月間罔勞衆力人不知其為橋也且是橋有益於人者多矣奉王命之馳為商賈之鬻販與凡往來者無不便利必通之心誠人  
物之心也昔虞 韶 底周境而遂 圮橋 而子 有感  
題 而誓不肯度其事雖不同其三思則無二將見橋之後方均勒碑於上或民心不古者視之甯不幡然而三思者乎然時有先後橋則無先後民有古今心則無古今太平之氣象復見於今日聖天子之時矣吾知必通德與橋而並久福與水而並增他 子孫取青紫樹功勳如相如子房者皆成橋德陰德之驗也孰謂舉一念之善天弗厚其報也耶重建三思橋者方氏必通也代必通而求記之者予友劉宇介洪也

募修城隍廟疏

主事 項如皋 邑人

太平縣志

卷九 藝文

三十

祀典之設從其所主君主天臣主地故凡籲帝祈宗朝日夕之類不下郡國下郡國者山川社稷及城隍而已乃山川社稷壇而不宇而城隍獨宇壇者一歲兩祀而宇者僅朔望瞻拜或有事而致禱焉而 不與歲祀之數則何歟余以壇而祀者此全乎以神道祀之宇而不必祀者則兼以人道事之者也邑長吏為民父母而城隍作之配則亦應有父母之稱人子之為父母謹蓋藏也不待言抑朝夕滲瀼視問而又安所容特饗之名乎其宇而不必祀之意或在於此故曰以人道事之然闔邑之人事城隍而城隍則又默助邑長吏以事天子者也年來余邑雖不稱穰亦無大侵或 假無 邑大夫之力歟然微神之賜不及此而乃者一廟僅存四 圮 褻莫甚焉其何答前貺而邀後資宜乎上情下意均有不能已者方今邊腹未靖國課方敷勢不能給於官必且丐於衆 見

佛繡塔祀典不載而人競為之矧茲赫赫名號顯配天子之命吏者而顧靳焉可乎且吾聞之孝子之事父母也以實不以文事神亦然居孝義廉貞感泣幽明其實也若乃薨檐 甓丹如臚如者其耳文易而實難易者莫舉難其可知我願我人之事神以實也一如其上之所以招格無贏而特假之文焉以為之端也於是乎疏

陳侯德政紀跋

別駕 張一杰 宣城人

予友湯賚臣嘗語曰余邑聖翁陳父臺慈祥愷悌澤洽烝黎弼記憶口碑子素砥風節益為哀紀彰厥懿媿予躍然曰有是哉因偕劉別駕據所聞卒業然猶以未目擊縈懷今蒲月初鼓柷前往山川峭險久晴水落閱旬餘始達逐路獲詢樵夫牧豎便說我侯有有一刻暇且耘爾地無十分屈莫進吾門之聯噫異矣非公清靜為理神明為鑑烏辨此又詢知每鄉擇一二耆老講約其間令鄉

太平縣志

卷九 藝文

三十一

曲小口角就此中調息噫自長吏私和有禁民即欲改過遷善不能而茲大異是又詢知每族擇公平方正一人令登記闔族淑慝屆朔望送驗噫自民族臧否混淆而上靡以樹之表將貿貿莫知適從而茲大是未幾入其郭則清平有歌如他邑假人命枉扳誣侵糧犯贓賠賂種種肆毒靡休茲獨湔而空之抑亦異乎愁慘之域矣又未幾行其庭松露未乾棲烏聞唱衙聲驚飛去六曹捧文進疾羣丁非呼無敢平立兩造伏几下伸牘未半情曖兩破指清泉潔把介石以旌心階除夜掃鶴影如人馬骨方高冰廳滋冷故人躅還但損仙源一勺露葵數枝充忠赤之腹他無庸焉抑亦異乎擾之政矣匪特今也當公初蒞時江觀老一案前縣業擬重辟得公立判云百子之下孰輕孰重三更之後衆怒衆曉實難懸揣一人臆斷一人令方字方平方六旬之冤頓雪諸如此類曷可勝數

是以龍圖包老之譽後先一口然公謙度咸虛每齒及所行善事若唯恐人知之噫此其所尤異也歟

三瑞記

孝

毛鳴岐 原名球

嘗讀史上下千百年間談循良者必歸於漢至所載驅蝗反風集鸞馴雉諸異漢興以來惟魯卓諸人則知德化之盛與感召之神誠上下千百年而不數見者也余稔聖翁廉能聲非一日矣茲秋再入仙源聞紳士里老之言其治行與古人適有同焉者先是學宮傾圮聖翁以教育重地可令見者興鞠草之悲爰集紳士於講幄割廉俸謀所以營度之計非得榷梓之材無以壯臣觀越數日忽浮一木於城南之澗大數圍斲之節理堅密斑文五色迨工師告竣遍訪無有求是木者併不知木所從來噫異矣茲縣治之役聖翁夜夢童叟百輩環叩堦前若有所言狀詰朝視事內治忽堂上棟瓦飄墜署為震動官

太平縣志

卷九 藝文

三十二

胥賴以無恐此又異矣邑紳士里老謀建斯堂諭以稍仍舊葺得蔽風雨足矣毋重糜爾百姓財與力為也通邑議益堅以吾儕之被淪浹也四載於茲矣思無以為我侯報者惟財與力顧何敢惜況歲書大有數十年未見此豐登于于喁喁頌膏雨者遍里井乎商求大木必於西 某氏之 恐彼為樹蔭計難卒得夕風雨交作拔太木仆地即所商於某氏者邑中咸嘖嘖曰此神助也鳩工度材是日恩詔適至萬姓歡騰子來趨事者肩趾相錯或繩或削或丹或醴棟宇軒翼越浹旬遂告成事噫斯益異矣今何時也民所甚惜者財與力耳為長吏者或以文誥諭之鞭箠驅之不可得得矣亦遲之歲月安有令欲已之民必欲興之令欲嗇之民必欲豐之且以經年累月之功畢於浹旬俄頃之間謂非平昔撫摩之深覆載之厚烏能至此蓋始建學宮也水 其祥瑞一茲營縣治也風

兆其應瑞一值茲時和年豐一莖九穗兆姓熙皞也瑞一此三瑞者真堪與驅蝗反風集鸞馴雉諸異政焜耀前後史策間孰謂古今人不相及耶今天子求賢良異等中丞公特疏入告指日內召擢以清華之班佐理鹽梅將見景星慶雲醴泉芝草為國家符瑞者不一而足甯仙源三瑞之足云堂屆落成諸紳士里老各有詩謠徵言於余因并數語以誌盛事

送蘭令趙侯望南陞仕温州府叅軍序

明巡御史

應朝卿

國家置守統治於一郡也有同有判有推分治焉有經有事有照贊治焉惟經府最難求其勝任者鮮矣吾見望南趙公之蒞温郡廉以遠利明以察微嚴以督奸惠以子民迺上贊郡守正百官撫羣黎使統紀之體常尊由是經戎伍則戎伍清經錢穀則錢穀裕經水土則水土平經刑罰則刑罰省至於事經知而事成政歷照而政太平縣志

卷九 藝文

三十三

佐治未幾而郡事無不就理噫此固因侯之任經府者言之侯嘗筮仕蘭谿邑丞攝邑符而春生郇屋理詞訟而月鑑衡茆由是當道交旌士民稱便公為佐職守令得兼濟之美郡邑有樂利之休非有大抱負大作為者其能若是乎行將高簡欽擢專理一方化溥天下者指日將天下頌矣奚止吾浙乎是為序

謝趙醫官序

詳善

明邑令 劉元 中人

天地之道自然而已矣是故因其自然而自然之謂之順天地之道流行而已矣是故因其流行也而流行之謂之通天地之道變化而已矣是故因其變化也而變化之謂之易知其說者而後可以語學而後可以語經濟而後可以語醫醫雖小道豈易言哉予自去歲孟冬視篆太平未幾而蒼頭病故予甚痛之嗣後老母妻子諸僕皆病訪諸邑人始得趙氏惟善醫之每試輒效夫使一家骨肉得保全於萬里

之外惟善之功不可忘也予每謂之曰百里生靈之命朝廷付諸元凱元凱一家之命則托之君予得專心造百里之福而無分於內顧之憂惟善之功不可忘也惟善用藥不泥古方且脉理儘明導引亦蓋嘗遊心萬象涉足四方誦其詩頗無俗狀不知生平於天地自然流行變化之道曾有傳授與否而醫家妙用可謂升堂求之時與匹蓋寡然三才之理混合融徹吾聞之古有二醫伯曰天醫仲曰地醫季曰人醫是故雨暘愆期星辰失度天之病也山川騫涸五穀不登地之病也凍餒呻吟綱疇淪天下之民之病也聖人致中和以位以育而天地萬物貞太休甯懽忻涑洽樂和而格祥雲呈醴泉出聖賢迭生萬世永賴而醫之功用極矣庶幾無遺憾矣乎趙君如不自足焉尚當師諸古之三醫

張松谷師遺草引

天啟丁卯

學諭 陶 珙

太平縣志

卷九 藝文

三十四

余以丙寅夏旱從邑長出禱邑人所迎像而虔祝者問之則松谷師也俄而雨澍若響荅既心異之邑人為余言禱師輒應不自今日蓋自國朝宣德間李德莊公重建梵宇金貌紺象照耀人天歷宣歙休池鼎禮雲集然欲考其巔末以備此方信史未能也是歲中秋余邀家憲副不退先生來遊黃山瞻對塔下慘然如見人欲搜師遺事以傳李生元超出遺草若于篇并事略記跋附焉生蓋千三公之遺裔故祖其祖以還祖乎師者存什一於千百亦尸視未艾云爾乃復扣余曰師元耶禪耶撤手一偈牛向禪天身寄花座蓋已證涅槃而登祖位矣稱以真人奚若余曰師固言之這漢實風流世人識不破余亦世人也為元為禪當問之能識師者生即付之梓人而漫為人引

原修城隍廟碑記

大學士 許 國 歙人

太平縣之有城隍舊矣蓋自唐天寶六載割涇之龍門鄉而 太  
乎其治負碧雲面黃山塹三門之嶺以為城滙富水麻水以為隍而  
立 於城東以奉之此其始也入國朝二百餘年生齒益繁香火益  
盛廟貌弗稱令君潘使欲撤而新之則以為時詘而 不可辛  
卯秋歲則大熟侯曰可矣乃下令願新城隍廟者聽民爭應之乃  
鳩工庀材而擇義耆項樵汪廷輝鄭鏗方文登黃國士五人者共  
藏其事經始於萬曆十九年九月之甲子落成於萬曆二十年六月  
之甲午費緡錢三千有奇址雖仍舊而堂皇牖戶高明軒豁煥然  
改觀矣五人者則又相與面汝甯二守崔公惟植 州守周公恪兩  
公曰作而不記非盛德也乃介邑博士胡君沛然仲雨來余所乞言  
余惟聖王先成民而後致力於神吟侯也歲凶則拯民之急而溝瘠  
以起歲豐則報神之功而廟貌以飭可謂知務矣然則棟榦之隆  
太平縣志 卷九 藝文 三十五

非諂也黜聖之 非 也宜也考之祀典羣祀饗凡三壇而城隍之  
神賓配之羣厲歲凡三祭而域隍之神實主之有專廟而無專祀何  
也曰夫食于土者與吏於土者同事其事則同食其食其受事也兼則  
其受享也隆城隍者神祇之叅貳人鬼之鈐轄也故上佐天時調風雨  
與有力焉下佐地利阜生殖與有力焉中佐人羣禦其災捍其患  
使人有甯居鬼不為厲與有力焉故受其靈則以專廟為尊列其  
功則則以兼享為盛獨城隍然也若夫香火虔矣時祀修矣而或愆  
其職則孟氏之文有明例焉侯諱應化字雨之別號時所浙臺州  
臨海人也在邑六年以卓異被徵書而去亦太平創見之事云按胡  
沛然先生歛縣人

重建關帝殿碑記

康熙五年

邑令

陳 恭

邑治關帝殿何昉乎曰郊以內外雅重茲祀云邑有二十五氏咸謂

祀宜崇焉聿筮東嶽以礎以楹篤斯肇舉實妥乃靈朱幾而釁者黔暨者窳矣予遂愀然有念也為諸父老告曰予不克綏而父老奚神為繫神唯予是襄以有茲土也孰丹茨孰裡奠母亦偕諸父老釋乃耘耔以從事維時父老則揖諸長吏曰不 邑相惟若神肆茲大告虔爾馨香邇乃簷牙欲拓或錮以隣地腑將舒動縮其武不 不廓何以春秋耀吾粲盛既又曰嚮議闢近議徙唯今君命乃予又 有昆命仍啟而揲之神爰萃若士實繁子姓咸 中卜為神敬 祝曰我材既庀我糗既陳闢諸徙諸神其墨食神 唯闢是吉然猶未敢安也冊之再冊之三且祝曰格予列俎宅乃永甯神辱許我重灼之兆神習吉如初是惟在天之靈若為予告僉加額為令君請予遂檄乃建事庸捐乃精而邑嚮所謂二十五氏仍侑爾力相與按圖 計左右先後有廊斯翼有 斯 或墉其頽或砌其圮座 玉列貌焉金 太平縣志 卷九 藝文 三十六

鏤神其用康人其拜祉予於是又執筮言曰若茲盛哉得毋謂子大夫恒有事於神以有此役也予惟在昔宮廡鞠草是以有蘋藻之文黍稷用膏是以有壇壝之舉非是族也敢浮祀典矧茲奕奕大義炳如何弗輪奐為今日之鐘簷薦爽式迓賓朋羔酒陳歆聿彰儼恤無非若儕凜斯明德而盥之神也毋瀆毋褻庶凝神之庥歟諸父老咸拜手曰誠如令君命是役以四月朔日始以七月望日竣計丁三月有奇間以神夢輸者有樑斯材以神力運者有柱唯石跡 記異

闡闡中請即質之父老云問誰宣勞則耆老方大順 之慧胡廷孝 項學顯陳一健黃國惠項士國陳金桂羅世志黃文 王 壽項之 統趙瑞生孫福生孫觀仟方旭方喜郎居最例得竝書勒為記 按廟後係道宅王道元住宅因造後殿狹隘通學公議將嘉會所舊 基憑各里耆更換聽王自行遷改縣批准照

